

Kalaallit Nunaat tamakkerlugu piffissami 17. – 19. juli 2021 killilersuigallarnerit pillugit Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-imeersumi, Inatsisartut inatsisaatigut nr. 1, 1. april 2020-meersutigut allanngortinneqartumi §§ 6, 6 a aamma 12 a, 12 b kiisalu § 29, imm. 2 aamma 3 naapertorlugit uku aalajangersarneqarput:

Atuuffia

§ 1. Nalunaarut Kalaallit Nunaat tamakkerlugu atuuppoq.

Imm. 2. Nalunaarut Kalaallit Nunaanni Peqqinnissaqarfimmut imaluunniit nakorsiartarfinnut kiisalu nakorsiartarfinnut namminersortunut niuertarfinnilu peqqissaanermik naalagaaffimmit akuerisaallutik ingerlatani ingerlatsisunut atorfekartitsiffiusunullu atuutinngilaq.

Imm. 3. Nalunaarut katersuunnernut, politikkut allatulluunniit isummersornissamik sunniiniarnissamik siunertalinnut atuutinngilaq.

Imm. 4. Nalunaarut eqqartuussivinnut atuutinngilaq.

Imm. 5. Nalunaarut mittarfinnut, tikittarfinnut/aallartarfinnut assigisaannullu atuutinngilaq.

Imm. 6. Nalunaarut ulluunerani neqeroorutinut namminersortunut pisortaniillu pigineqartunut, atuarfinnun, ilinniarfeqarfinnut il.il. atuutinngilaq, nappaatit tunillaassortut akiorniarlugit iliuutsit pillugit Inatsisartut peqqussutaanni § 22 takuuk.

Imm. 7. Nalunaarut angerlarsimaffimi aaqqissuussanut assigisaannullu atuutinngilaq.

Imm. 8. Nunatta nakorsaneqarfia nalunaarummit immikkut ittumik akuersissuteqarsinnaavoq.

Illup iluani aaqqissuussani il.il. peqataasinnaasut amerlassusaannik killilersuinerit

§ 2. Aaqqissuussat, nalliuottorsiornerit, sammisaqartitsinerit assigisaalluunniit illup iluani ingerlanneqartussat minnerpaamik 20-nik peqataasoqassappat aaqqissuusisoqaqqusaanngilaq.

Imm. 2. Oqaaseqatigiinnik siullernik eqqortitsinissaq aaqqissuussisup akisussaaffigaa.

Aaqqissuussani il.il. silami ingerlanneqartussani peqataasinnaasut amerlassusaannik killilersuinerit

§ 3. Aaqqissuussat, nalliuottorsiornerit, sammisaqartitsinerit assigisaalluunniit silami ingerlanneqartussat minnerpaamik 20-nik peqataasoqassappat aaqqissuussisoqaqqusaanngilaq.

Imm. 2. Oqaaseqatigiinnik siullernik eqqortitsinissaq aaqqissuussisup akisussaaffigaa.

Ininut kikkunnilluunniit iserfigineqarsinnaasunut piumasaqaatit

§ 4. Inuussutissarsiummik ingerlatallit aamma suliffeqarfut pisortanit pigineqartut ininik kikkunnit tamanit iserfigineqarsinnaasunik pigisallit piumasaqaatit tullinguuttut maleruassavaat:

- 1) Inini sulisut saniatigut inuit 20-it annerpaamik isersinnaapput. Ulluinnarni atortussanik niuertarfut piumasaqaammi uani ilaatinneqanngillat.
- 2) Inuit ininut qatserisartoqarfinni oqartussaasunit akuerineqarsimasunut isersinnaatitaasut amerlanerpaaffissaasa affaannaat isersimaqqusaapput, taamaattorli nr. 1 takuu.
- 3) Inini qatserisartoqarfinni oqartussaasunit akuersissutitaqartinneqanngitsuni, natermi 4 m²-iusumi amerlanerpaamik inuk ataasiinnaaqquaavoq. Nateq 4 m²-imik mikineruppat oqaaseqatigiit siullit apeqquataatinnagit inuup ataatsip isersimanissaakuerineqarpoq. Nateq qanoq pequteqartiginera apeqquataatinnagu iikkamiit iikkamut naatsorsorneqassaaq.

Imm. 2. Oqaaseqatigiinnik siullernik eqqortitsinissaq inimik akisussaasup akisussaaffigaa.

Pisortat angallassissutaanni amerlassutsinik killilersuineq

§ 5. Pisortat angallassissutaat, tassunga ilanngullugit bussit aamma taxat, issiaffiusinnaasut sinnerlugit ilaasoqaqqusaanngillat.

Imm. 2. Imm. 1-ip maleruarneqarnissaata qulakkeernissaa assartuummik piginnittup akisussaaffigaa.

Qanermut imaluunniit kiinnamut assiaquteqarnissamut piumasaqaat

§ 6. Inuit aqqaneq-marlunnik sinnerlugillu ukiullit kiinnamut assiaquteqassapput:

- 1) inini kikkunnit tamanit iserfigineqarsinnaasuni isersimagunik, takuulli imm. 2-4.
- 2) assartutini kikkunnit tamanit ilaaffigineqarsinnaasuni, tassunga ilanngullugit bussini taxanilu ilaagunik, takuulli imm. 2-4.

Imm. 2. Qanermut imaluunniit kiinnamut assiaquteqarnissamut piumasaqaat ilisimassutsimik annikillisimasunut, timikkut tarnikkulluunniit sanngiitsunut, allamilluunniit peqquteqarlutik qanermut kiinnamulluunniit assiaquteqarsinnaanngitsunut atuutinngilaq.

Imm. 3. Qanorluunniit immikkoortuni 1-im 2-miluunniit allaqqasoqarluarpal, peqqutissaqarluarpal qanermut kiinnamulluunniit assiaqutit ilaannakortumik tamakkiisumilluunniit peeqqaneqarallarsinnaapput, assersuutigalugu:

- 1) Piffissami sivikitsumi nerinermi imaluunniit imernermermi.
- 2) Nakorsaatitornermi.
- 3) Qarngit aalaneratigut atuaasartumik oqaloqateqarnermi.
- 4) Qanermut kiinnamulluunniit assiaqutit anersaartorniarnermut ajoqutaagunik ipianngulersitsippataluunniit.
- 5) Politiit kinaassutsimik upternarsaaneranni.

Imm. 4. Niuertarfut – aamma kiffartuussiviit qanermut imaluunniit kiinnamut assiaqutinut taarsiullugu, sulisup aamma pisiniap akornanni plastikkimik assiaqusersinnaapput.

§ 7. Qanermut assiaqutit tassaapput qanermut qinngamullu assiaqutit ataasiartakkat imaluunniit annoraaminermik sanaat allunaasamik, tasisartumik assigisaanilluunniit siutinut imaluunniit niaqqup tunuutungaanut sukarutillit kiinnamullu attuumasut.

Imm. 2. Kiinnamut assiaqutitut tassaapput isinut, qinngamut qanermullu imaluunniit qinngamut qanermullu assiaqutit plastikimik sanaat kiinnamut attuumanngitsut.

Pineqaatissiissuteqartarneq

§ 8. §§ 2-5-imik unioqquitsisoq pinerluttulerinermik inatsit malillugu pineqaatissinneqarsinnaavoq.

Imm. 2. Ingerlatseqatigiiffit il.il. (inatsisilerinermi inuttut immikkoortutut isigineqartut) pinerluttulerinermik inatsimmi kapitali 5-imi malittarisassat malillugit pinerluttulerineq pillugu inatsiseqartitsinikkut akisussaatinneqarlutik pineqaatissinneqarsinnaapput.

Atuutilersitsineq aamma atuunneranut piffissaliussaq

§ 9. Nalunaarut ulloq 17. juli 2021 atuutilissaq.

Imm. 2. Nalunaarut malillugu killilersuinerit, inerteqqutit, peqqussutit il.il. 19. juli 2021 ilanngullugu atuutissapput.

Namminersorlutik Oqartussat, ulloq 16. juli 2021

Kirsten Fencker
Peqqinnissamut Naalakkersuisoq

/ Aka Olesen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut